



Na osnovu člana 6. i 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj:49/06), člana 2.i 9. Statuta Općine Maglaj („Službene novine Općine Maglaj“, broj: 8/07, 3/08 i 6/08), a u vezi sa Odlukom o zadržavanju, izmjeni i odjavi identifikacionih brojeva organizacionih jedinica u sastavu Općine Maglaj broj: 01-49-2136/18 od 19.08.2018. godine, na prijedlog Općinskog načelnika, Općinsko vijeće Maglaj, d o n o s i

**O D L U K U**  
**o izmjeni sadržaja pečata i njegova izrada za potrebe Općine Maglaj**

**Član 1.**

Ovom Odlukom stavljaju se van snage pečati koji su u upotrebi od strane Općinskog organa uprave, te je neophodno izraditi novi pečat sa izmjenom u sadržaju istog.

**Član 2.**

Sadržaj pečata ostaje isti u dijelu teksta gdje piše: Bosna i Hercegovina, Federacija Bosne i Hercegovine, Zeničko dobojski kanton, Jedinstveni općinski organ uprave Maglaj, a u dijelu gdje piše Općinski načelnik, mijenja se i glasi Općina Maglaj.

U sredini pečata se nalazi grb Općine Maglaj, koji se ne mijenja, a ukoliko se izrađuje više pečata iste veličine za jedan organ, svaki pečat je označen arapskim brojem.

**Član 3.**

Za provođenje ove Odluke zadužuje se Služba Općinskog načelnika i Općinskog vijeća.

**Član 4.**

U roku od 30 dana od dana stupanja na snagu ove Odluke, Općinski načelnik će donijeti odluku o broju primjeraka pečata, a u skladu sa potrebama jedinstvenog organa uprave Općine Maglaj.

**Član 5.**

Ova Odluka stupa na snagu danom donošenja i biti će objavljena u „Službenim novinama Općine Maglaj“.

## O B R A Z L O Ž E N J E

Općina Maglaj je jedinica lokalne samouprave sa pravima i obavezama utvrđenim Ustavom i Zakonom, u skladu sa članom 2. Statuta Općine Maglaj („Službene novine Općine Maglaj“, broj:8/07, 3/08 i 6/08), te kao takva ima svojstvo pravnog lica, prema članu 6. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj:49/06).

Obzirom da Općinsko vijeće Maglaj i Službe u sastavu općine Maglaj nemaju svojstvo pravnog lica i nisu porezni obveznici u smislu Zakona o poreznoj upravi u Federaciji Bosne i Hercegovine, time se navedenim identifikacioni brojevi odjavljuju, a identifikacioni broj 4218294800000, koji je broj Općinskog načelnika Maglaj se zadržava i mijenja u nazivu, tako da umjesto „Općinski načelnik Maglaj“ stoji „Općina Maglaj“.

Imajući u vidu navedeno, a shodno proceduri donošenja Odluke o zadržavanju, izmjeni i odjavi identifikacionih brojeva organizacionih jedinica u sastavu Općine Maglaj, te izvršene preregistracije pravnog lica iz naziva Općinski načelnik Maglaj u naziv Općina Maglaj, neophodno je obaviti i izmjenu samog naziva pravnog lica u sadržaju pečata.

Obradivač

Emina Hasanić, dipl.pravnik